

FERÐIR

LAUGARDAGUR 26. OKTÓBER 2013

Kynningarblað

Ferðalög
Flug, fjallgöngur
Menning
Ljósmyndun
Ísland
Noregur
Hellalíst



„Finnafjörður; ef maður vill vera einn með fjalli. Einn með sjálfum sér, upplifa vind og veður. Myndin er tekin á vegi 85 milli Lónafjarðar og Finnaafjarðar.“

MYND/PÁLL STEFÁNSSON



„Jarðböðin í Mývatnssveit: Heitt vatn, snjór, kuldi og heiður himinn, stundum.“

MYND/PÁLL STEFÁNSSON

Fimm á förnum vegi

Sumarsólin getur verið svo hörð, þar sem skuggar lokast, sjóndeildarhringurinn hvass. Það er annað með vetrarsólina. Hún er svo mjúk þegar hún kyssir landið. Og himinn og haf renna í þennan grúa bláa sem einkennir veturinn. Þetta er álit **Páls Stefánssonar**, ljósmyndara og ritstjóra Iceland Review, sem er einn víðförlasti Íslendingurinn og þekkir fósturjörðina eins og lófann á sér. Hér nefnir hann fimm áfangastaði sem toga í hann aftur og aftur á vetrum og eru allir í alfaraleið.




„Eyjafjarðarsvæðið: Frá Siglufirði til höfuðborgar hins bjarta norðurs eru bestu skíðabrekkur Lýðveldisins. Punktur.“

MYND/PÁLL STEFÁNSSON



„Það er alltaf hátíðlegt á Þingvöllum, sérstaklega yfir vetrarmánuðina, þegar bara fimm eru á ferð.“

MYND/PÁLL STEFÁNSSON



„Höfuðstaðurinn. Stundum leitar maður langt yfir skammt, en norðurstrandlengja höfuðborgarinnar er frábær. Náttúra á aðra höndina, diskó á hina og oftast þá vinstri.“

MYND/PÁLL STEFÁNSSON



Páll Stefánsson, ljósmyndari og ritstjóri Iceland Review.

MYND/GVA



Þrjú risavaxnir speglar endurvarpa geislum sólarinnar.



Íbúar á aðaltorgi Rjukan sem sólin yljár þrátt fyrir háa fjallgarða.

NORDICPHOTOS/AFF

Spegla sól yfir myrkan bæinn

Hinn 31. október næstkomandi verður hundrað ára gamalli hugmynd hrundið í framkvæmd þegar sólin skín á norska bæinn Rjukan þar sem ekki sér til sólar hálf tónni. Rjukan er vinsæll ferðamannabær, sérstaklega meðal áhugamanna um ísklifur.

Hár fjallgarður umlykur norska bæinn Rjukan og því sér ekki til sólar þar frá september og fram í mars. Á þessu verður breyting í ár. Í lok mánaðarins verða teknir í notkun þrjú risavaxnir speglar sem munu endurvarpa sólargeislunum á aðaltorg bæjarins. Það verður í fyrsta sinn sem sólin skín á bæinn um vetur og yljár rúmlega þrjú þúsund íbúum hans.

Hugmyndin að sólspeglunum er aldargömul en það var kaup-sýslumaðurinn Sam Eyde, sem fékk þá hugmynd að spegla geislum sólar á starfsmenn sína. Hugmyndinni var ekki komið í framkvæmd á þeim tíma en í stað þess var byggður kláfur til að flytja bæjarbúa á topp fjallsins svo þeir gætu notið sólarinnar að vetri.

Þökk sé nýrri tækni hefur hugmynd Eydes nú orðið að veruleika

og verða speglarnir teknir í notkun 31. október 2013, nákvæmlega 100 árum eftir að hugmyndin birtist upphaflega í bærarblaðinu. Verkefnið kostar um fimm milljónir norskra króna.

Rjukan er í Telemark í Vestfjorddalen, milli Møsvatn og Tinnsjø, en nafn bæjarins er dregið af Rjukanfossi sem er vestan við bæinn. Rjukan var áður mikill iðnaðarbær en hann var stofnað-

ur milli 1905 og 1916 þegar Norsk Hydro hóf saltpétursvinnslu á svæðinu. Rjukanfossinn var virkjaður og það var einmitt Sam Eyde sem fékk þá hugmynd en hann var stofnandi Hydro. Byggt var risastórt orkuver á staðnum sem Þjóðverjar lögðu undir sig í seinni heimstyrjöldinni en Norðmenn sjálfir unnu fjölmörg skemmdarverk á verinu til þess að kleggja á Þjóðverjum. Í dag er orkuverið safn.

Ferðamennska á sér langa sögu í Rjukan. Helst er það Rjukanfossinn sem dregur að, en hann er eitt af kennileitum Noregs. Svæðið þykir henta til skíðaþróttar, fjallgöngu og ísklifurs. Fjöldi frosinna fossa er að finna á svæðinu. Þá er ísklifurtímabilið langt, nær frá nóvember og fram í apríl. Líklegt er að sólspeglarnir muni einnig laða að forvitna ferðamenn í framtíðinni.

Skíðaveisla VITA á Ítalíu

Morgunflug til Verona með Icelandair



Ítalía – eingöngu með VITA

Allir vinsælustu skíðastaðirnir: Selva, Madonna di Campiglio, Val di Fiemme og Paganella. Úrval hótela þar sem hægt er að renna sér á skíðum til og frá hóteli „ski-in/ski-out“.

Verð frá 124.900 kr. *

og 12.500 Vildarpunktur

á mann í tvíbýli með morgunverði á Garni Christiania í Madonna, vikufé 18.-25. janúar.

Innifalið: Flug, flugvallarskattar, gisting með morgunverði og íslensk fararstjórn.

* Verð án Vildarpunkta 134.900 kr.

Flugáætlun:
18., og 25. janúar
1., 8., 15. og 22. febrúar



Kvikmyndirnar um Hringadróttinssögu og Hobbitann voru myndaðar á Nýja-Sjálandi. Í Woodlyn Park má gista í húsi sem dregur dóm af húsum Hobbitanna.

Sofið í Hobbitaholu, skipi, lest og flugvél

Eitt furðulegasta hóteli jarðar er að finna á Nýja-Sjálandi. Í Woodlyn Park í Waitomohéaraði má gista í hobbitaholu, um borð í flugvél, lest eða skipi.

Hobbitamótelid er grafið inn í hól og er prýtt hringlaga gluggum og hurðum. Það var byggt tveimur árum eftir að síðasta myndin um Hringadróttinssögu var sýnd og dregur að ótölulegan fjölda ferðamanna.

Gestir geta einnig gisti í The Waitomo Express, lestarvagni frá sjötta áratugnum, og Bristol-fraktflugvél úr Víetnamstríðinu. Flugvélin var gerð upp til að hýsa sex gestum og er hótelið eitt sinnar tegundar í heiminum.

Fjórði möguleikinn er gisting um borð í eftirlitsskipi úr seinni heimsstyrjöldinni. Skipið er 112 fet og kallast The Waitonic.

Vegna sérstöðu sinnar dregur hótelið ekki aðeins að sér næturgesti heldur koma ferðamenn einnig víða að til að skoða herlegheitin.



Sérstæð upplifun er að gista um borð í fraktflugvél.



112 feta eftirlitsskip úr heimsstyrjöldinni síðari hefur gengið í endurnýjun lífdaga í Woodlyn Park.

TOYO TIRES

driven to perform



**ÖRYGGI
ALLAN
HRINGINN**

TOYO TIRES
driven to perform

„Gripið sem ég þarf - hvernig sem viðrar“

Toyo harðskeljadekk hafa
sannað sig við íslenskar aðstæður

„Ég er á ferðinni allt árið. Keyri yfir sex þúsund kílómetra á mánuði landshorna á milli. Ég þekki vegina vel, en færðin er fljót að breytast. Maður leggur stundum af stað í bongóblíðu en endar í blindbyl. Ég hef notað harðskeljadekkin frá Toyo í mörg ár. Þau gefa mér gripið sem ég þarf - hvernig sem viðrar.“


Halldór Már Þórisson - Sölufulltrúi Wurth á Íslandi

**Söluaðilar
um land allt**

Upplýsingar í síma 590 2045
eða á www.benni.is



**Bilabúð
Benna**
Sérfræðingar í bilum



VEGGJAKROT Í PARÍS

Þeir sem eiga leið til Parísar

næstu daga ættu ekki að láta stærstu veggjakrotssýningu heims fara fram hjá sér. Búið er að leggja níu hæða félagslega blokk í 13. hverfi borgarinnar undir veggjakrot, bæði að utan og í 36 íbúðum hennar og stigagöngum. Í októbermánuði hafa 100 franskir listamenn sýnt litfagurt og skrautlegt veggjakrot sitt en sýningunni lýkur í næstu viku. Í nóvember verður húsið rífið niður og því eru síðustu forvöð að sjá þessa skemmtilegu sýningu. Húsið er opið sex daga vikunnar og ókeypis inn. Prettánda hverfi Parísarborgar er á vinstri bakka árinna Signu. Hverfið er jafnframt Kínahverfi borgarinnar þótt það sé öllu rólegra og afskekktara en önnur Kínahverfi stórborga. Þar má einnig finna marga ódýra og góða veitingastaði.



Forn handaför á hellavegg. Þessi hellir er raunar í Ástralíu en hellalistaverkin í rannsókninni voru í Evrópu.

HELLALISTAMENN HUGSANLEGA KONUR

Lengi hefur verið talið að forsöguleg hellalist í Evrópu

hafi verið unnin af karlmönnum þar sem viðfangsefni listaverkanna eru oft veiðar. Ný rannsókn leiðir í ljós að konur gætu verið höfundar verkanna eða í það minnsta verið iðnar við skreytingar hellaveggjanna. Þetta kemur fram í nýrri rannsókn sem National Geographic greinir frá. Bandaríski fornleiffræðingurinn dr. Dean Snow komst að þessari niðurstöðu eftir að hafa rannsakað handaför í nokkrum evrópskum hellum. Handaförin eru búin til með því að leggja hönd á hellisvegg og úða málningu yfir þannig að höndin virkar eins og stensill. Listaverkin eru frá 12 þúsund til 40 þúsund ára gömul.

Hendur karla og kvenna eru ólíkar þegar litið er til breiddar og lengdar fingra. Snow skoðaði 32 handaför í hellum á Spáni og Frakklandi. Hann komst að því að 75 prósent handanna væru af kvenmönnum. Niðurstaða Snow gæti bent til þess að konur hafi komið meir að listaverkunum en áður var talið.

Flest handaförin sem Snow rannsakaði voru í hellinum El Castillo í Kantabríu á norðanverðum Spáni. Þessi hellir er opin almenningi sem getur skoðað hin merku listaverk. Hellarnir Gargas og Pech Merle í Frakklandi eru einnig opnir ferðamönnum.

FERÐAST MEÐ SÍMANN Í HENDI

Ótal ferðasmáforrit (öpp) í snjallsímann standa ferðalöngum til boða þegar þeir eru staddir á ferðalagi erlendis. Þau geta verið mjög hjálpleg þegar rata þarf um stræti stórborga, skipuleggja dagskrá dagsins, finna réttu söfnin og almenningsgarðana og finna ýmsar gagnlegar upplýsingar. Flest eru þau auðveld í notkun auk þess sem stór hluti þeirra er ókeypis. London, Kaupmannahöfn og New York eru þrjú vinsælir viðkomustaðir Íslendinga. Þeir sem ferðast til London geta nýtt sér The London Pass smáforritið, New York City Essential Guide hentar vel þeim sem ferðist til borgarinnar sem sefur aldrei og ferðalöngum á leið til Kaupmannahafnar er bent á Copenhagen Travel Guide. Öll eru öppin fánleg ókeypis fyrir bæði iPhone- og Android-síma. Smáforritin þrjú eiga það sameiginlegt að þar er að finna gagnlegar upplýsingar fyrir ferðalanga um helstu viðkomustaði ferðamanna, upplýsingar um samgöngur í borginni, opnunartíma safna og staðsetningu þeirra, gagnvirk kort og áætlanir almenningsgangna. Auk þess innihalda þau ljósmyndir, myndbönd og ýmis tilboð ætluð ferðamönnum.



New York sefur aldrei.

MYND/GETTY

flugrútan



Reykjavik
Excursions
KYNNISFERDIR

ÞÚ KEMST ÞANGAÐ MEÐ OKKUR!

NJÓTTU ÞESS AÐ FERÐAST Á EINFALÐAN HÁTT.

Áætlunarferðir Flugrúttunnar eru í tengslum við allar komur og brottfarir flugvéla um Keflavíkurflugvöll.

Kaupu miða núna á www.flugrutan.is

Alltaf laus sæti.

Frí þráðlaus internet-
tenging í öllum bílum



BSÍ - Umferðarmiðstöðin
Reykjavík



Ferðatími er
um það bil

45
minútur

Keflavíkurflugvöllur



BSÍ - Umferðarmiðstöðin
101 Reykjavík
☎ 580 5400
main@re.is • www.re.is



Skannaðu stríkamerkid
með snjallsímanum og
kynntu þér áætlunina.

